

B. N. C.
FIRENZE
1061
11



Copyright 2000 by Google



File: 1061.41



150.1.11 81

THEOLOGIA DUPLEX.

DOGMATICA UNA, SCOLASTICA ALTERA:

Illa e Sacra Scriptura, Traditionibus, Ecclesia militante,
ejusque Capite, Conciliis, & Sanctis Patribus deducta;

*Hac ex primo Sententiarum Doctoris Subtilis JOANNIS DUNS
Scoti Theologorum Principis Hiberni Ultoniensis deprompta;*

AC REGIÆ CELSITUDINI COSMI III. MAGNI DUCIS HETRURIÆ

In Simbolum æternæ gratitudinis Consecrata;

*Et tempore Comitiorum Provincialium Alme Provincia Tuscia Min. Observantium
Publico Certamini exposita*

A PATRE F. ANTONIO O'DONELL HIBERNO
Sac. Theologiæ Lectore Generali in Florentino Collegio Omnium Sanctorum,
SUB CUJUS ASSISTENTIA OBJECTIS SATISFACIET

Pater Fr. RAPHAEL DE BARBERINO Artium, ac Philosophiæ Lector.
Anno Mense Die



L U C Æ MDCCXI.

TYPIB. MARESCANDOLI.

)

SUPERIORUM PERMISSU.

THE UNIVERSITY OF CHICAGO
LIBRARY
1207 EAST 58TH STREET
CHICAGO, ILL. 60637
TEL. 733-4331

THE UNIVERSITY OF CHICAGO
LIBRARY
1207 EAST 58TH STREET
CHICAGO, ILL. 60637
TEL. 733-4331
THE UNIVERSITY OF CHICAGO
LIBRARY
1207 EAST 58TH STREET
CHICAGO, ILL. 60637
TEL. 733-4331



AUG 1964

REGIÆ CELSITUDINI
COSMI III.
MAGNI HETRURIÆ DUCIS:

COSME Ducum vertex, celebrant præconia laudum
Orbe Tibi toto Christo quicunque fideles:
Scilicet immensa toties bonitate ligasti,
Munere magnificus, Tua dextera prodiga cunctis;
Sltor iniquorum, fautor studiosè bonorum.
Sceptro præclarus Princeps, ad præmia velox:

Templorum cultor, largus fundator et auctor,
Texcelsus pietate foves, Dux magne, Minores:
Regibus æqualis, major virtute, propago.
Tertris terribilis, rectis bonus atque benignus,
Ingenuas artes defendis, provehis, auges.
Incula sacrarum qui non dissolvere legum,
Sed servare cupis pius, ac stabilire, tueri.

MAGNVS itis in aduersos, quamvis sis Martius, hostes.
MAGNVS rduus ingenio, virtutum culmine celsus.
MAGNVS audet Tusca quies sub tanti Principis umbra:
MAGNVS obilis ante alias gaudet Florentia terras,
MAGNVS ictrici lauro florens sub Principe digno;
MAGNVS æcula cui parilem vix produxere priora:

HERCULES esperiæ fulgur, columen, decus, ornamentum;
HERCULES effulget variis virtutum dotibus altus.
HERCULES errorem sceleri, virtuti prebet asylum,
HERCULES egifico excellens animo succurrit egenis.
HERCULES rbi Romulidum charus, pergratus et Orbi:
HERCULES ebus in angustis præsens tutela, levamen.
HERCULES udicio pollens Regni moderatur habenas,
HERCULES quus subiectis debellat ritè superbos.

DVX ebita norma Ducum, sub Te Duce regnat Apollo:
DVX ive, valeque diù, nostri decor inclytus ævi.
DVX enia grata Tibi semper depromere vellem.

Regiæ Celsitudinis Tuæ.

Humillimus, & Obsequentiſs. Servus

Fr. Antonius Ò Donell.

DOGMATICA.

*Tradebant eis custodire dogmata, quæ erant Decreta ab Apostolis,
& Senioribus; qui erant Ierosolymis. Act. 16.*



Uis alius sacrosanctam Domini vineam, Ecclesiam scilicet militantem condidit, nisi Deus? hic est qui eam colonis locavit, & divinæ custodiæ munitione vallavit. Fodit in ea torcular, in quod divinis canticis rationabilis fructus interior spiritali infusione deflueret. Ædificavit in ea turrim, *verticem scilicet legis attollens*: atque ita electam hanc vineam, *Civitatem Sanctam Jerusalem novam descendentem de Cælo*, munitam, instructam, & ornatam, contra quam *porta Inferi non prævalebunt*, custodiendam, ac regendam tradidit Divo Petro, ejusque legitimis Successoribus, Romanis Pontificibus, cæterisque subalternis populorum Pastoribus, ac Doctoribus, quorum est spiritum, & vitam nobis ministrare, legem explanare, ac explanatam contra visibiles Ecclesiæ defendere hostes: propterea rectè vocantur Doctores ab Augustino 1. Præd. cap. 1. *Plantatores, rigatores, adificatores, & nutritores Ecclesiæ*, quibus ex Apost. ad Corint. 12. *datur spiritus sapientiæ*, quam Theologiam Dogmaticam vocamus, cui ex S. August. 14. de Trinit. cap. 11. *id tribuitur, quod fides saluberrima gignitur, nutritur, defenditur, roboratur*, Per hanc enim dissipantur tenebræ, quas Heterodoxi nituntur in veram Religionem asferre, & quos erroris in fide venenum infecit, notat, protervos confundit, Orthodoxamque doctrinam ex Sacris Scripturis; divinis Traditionibus, Conciliis, Patribus, Ecclesiæ sensu, & consensu depromit, firmat, corroborat; ac veluti Evangelicus Petri gladius se opponit contra tartarea Hæreticorum jacula, quibus dum conantur e medio veram, Sanctamque Romanam tollere Ecclesiam, *extra quam non est salus*, se ipsos jugulant, ac læthali egitudine se suosque in Avernum detrudunt æternum. Hinc eam esse toti corpori Ecclesiæ utilem, ac multum necessariam, licet non singulis fidelibus immediatè asferimus.

D O G M A T A

DE SACRA SCRIPTURA.

I.

Sacra Scriptura est verbum Dei de se ipso, & ad ipsum pertinentibus, nobis a Deo revelatum, & in communem Ecclesiæ utilitatem conscriptum,

prout habetur in *Biblia* nomine *vulgata*. Hujus multiplicem sensum defendimus contra A catholicos, qui præter literalem, & expressam verborum significationem alios respuunt, quos ingeniosè Catholico calamo comprehendit hoc unico versu Minorita Macedo.

Gesta, fidem, Mores, Cælum, Scriptura reponit.

Huic veritati ex inimicis ipsis testimonium perhibetur, cum tot scripturarum commentaria Lutherus, & sequaces scripserunt, tot versiones ediderunt, quæ sanè, & apud ipsos superflua essent, si nihil teneremur credere nisi quæ in Scripturis reponuntur: *Senferunt Apostoli*, fatentur Centuriatores rigidi Lutherani Cent. 1. lib. 2. cap. 4. Colum. § 2. *Scripturas non posse intelligi sine Spiritu Sancto, & interprete*; per quod clarè innuunt solùm cortici verborum non esse adhaerendum: quia uno eodemque sermone, dum narrat gestum, prodit mysterium ex D. Greg. 20. Moral. Cap. 1. Hujus divini voluminis quo ad utrumque testamentum non alius est author, nisi Deus. Ut declarat Concil. Trident. Sess. 4. ubi 72. libros pro Sacris, Canonicis, & authenticis vulgatæ æditionis proponit, qui librum legis constituunt, qui sub eadem litera aliquem sensum habet literalem, & mysticum; ejusdemque eundem passum interdum admittere duos sensus literales admittimus.

DE TRADITIONIBUS:

II.

Pæter verbum Dei scriptum dari divinas, & Apostolicas traditiones, sine quibus Scripturæ essent negandæ, communis consensus est omnium Patrum Græcorum, & latinorum, easque firmiter credimus, & probare valemus non solùm ex pluribus scripturæ locis expressè, verùm ex testimonio Ecclesiæ nobis tales infallibiliter proponentis contra Novatores; qui dum sine illis Scripturam, & Religionem sibi ipsis adstruere contendunt, mortali apoplexia in atheismum ruunt.

DE ECCLESIA MILITANTE.

III.

Ecclēsia Christi in terris, quæ una est, singularis illa Romana, semper Sancta, Catholica, & Apostolica, aliud non est, quam cetus hominum ejusdem Christianæ fidei professione, & eorundem Sacramentorum communione colligatam sub regimine legitimorum Pastorum, & præcipuè

7
cipuè unius Christi in terris Vicarii Romani Pontificis. Hæc semper visibilis est, & conspicua, ac usquè ad seculi consummationem duratura, semper infallibilis, & indefectibilis, ita ut nunquam in fide erraverit, aut errare possit. Hujus auctoritatem asserimus adequatam, certam, & infallibilem esse regulam fidei, authenticè proponentem doctrinam revelatam necessariò credendam, & Controversiarum judicem, contra statuentes spiritum privatum, aut solam Scripturam pro tali tribunali: igitur qui renunt obedi- re Ecclesie definitionibus, ex scripturis convincuntur æternæ salutis renuntiasse.

DE CAPITE ECCLESIE.

IV.

Christum Dominum instituisse Divum Petrum suum Vicarium, & supremum caput, ac Principem Ecclesie visibilis, fides docet; ejusque in regimine legitimum successorem esse Romanum Pontificem, constat ex quatuor Conciliis, maximè Nicæno apud Alphonsum Pisanum lib. 3. can. 39. §. *sic præst* ubi Romanum Pontificem caput omnium Patriarcharum denominat, & *primum sicut Petrus*; ita quod in his quæ ad fidem, & mores pertinent, cum totam docet Ecclesiam, nullo casu errare possit: estque simpliciter, & absolute supra Ecclesiam universam, & supra Concilium Generale, taliter quod nullum in terris supra se judicem, aut Superiorem agnoscat, ab eoque immediate derivatur potestas Jurisdictionis, quæ in Episcopis residet.

DE CONCILIIS GENERALIBUS.

V.

Solus Romanus Pontifex auctoritatem habet convocandi Concilium Generale, quod est Congregatio majorum Prælatorum Ecclesie de toto Christiano Orbe, legitime convocata, & approbata, ad aliquod negotium Religionem Christianam concernens tractandum communi intentione, ipso Capite Ecclesie per se, vel per suum Legatum præsentante: ad cujus generalitatem sufficit, ut Episcopi omnes, quibus de Jure tantum conceditur suffragium decisivum, citentur, & compareant per se, vel per suos Procuratores, aut suum consensum per Epistolas mittant. Et licet in Ecclesia hujusmodi convocatio sit utilissima, & quodammodo necessaria,

cam

eam tamen esse absolute necessariam negamus, ac omnino concedimus æcumenico Concilio rite convocato, & approbato infallibilitatem in statuendo aliquod de fide, quod definire nequit, nisi quod in verbo Dei scripto, vel tradito formaliter, vel virtualiter contineatur. Igitur qui rem definitam à Concilio negat, *sic tibi sicut Esbneius, & Publicanus.*

DE SANCTIS PATRIBUS.

VI.

Qui ullum Sanctum Patrem adeo extollit, ut pro omnibus tanquam Regula fidei, & morum eum vellet sufficere, authoritati Ecclesie præjudicat, cui Deus infallibilitatem promisit, non verò ulli Doctori particulari: propterea pessimè sonat decisio cujusdam Novatoris dicentis: *Patres ceteros utiles esse, sed Augustinum necessarium, imò unum pro omni materia Theologica decidenda sufficere.* Cum verò communis Sanctorum veterum intelligentia concordat in expositione Sacrarum literarum, fatemur eorum sensum esse Spiritus Sancti sensum; ideoquè Theologis firmum, ac certissimum præstant argumentum in corroborationem Theologicarum assertionum, quod nequaquam facit unius, aut duorum Patrum autoritas, nisi duntaxat probabile. Hinc juxta Conciliorum placita asserimus Sanctos omnes in fidei dogmate errare non posse, & cum D. Hiero. concludimus, *in Deum perfectam fidem non esse, qua in Ministros ejus infidelitate tenuatur.*



SCOLASTICA⁹

Sedentes in excelsis ad speculandum. Eccl. 37.



Acra hæc scientia filia est Theologiæ positivæ, per dialecticas consequentias ab ea parata, quæ veluti alter Perseus Andromedam matrem defendit contra irruentia in eam Monstra falsorum dogmatum, dum fidem, ac veram Religionem prostrernere tentant. Hæc est quæ Cælum transcendit, ac supra Angelorum choros altissima Divinitatis Mysteria scrutatur, Dei unitatem in essentia, attributa, & Trinitatem in personis speculatur. Hæc est quæ nos sedentes intellectu in excelsis facit Empyrio ad speculandas divinas operationes, & effectus, ac, in quantum licet, Cœlestia arcana penetrare. Hæc enim non rarè usus est Christus in Evangelio, ubi fuerunt Apostoli, & Sancti Patres; Certe, inquit D. Aug. in 2. Corint. *ne cuiquam Dialecticam pro crimine obijceris, quæ usor Apostolos confiteris.* Igitur antiqua est, & Ecclesiæ multum utilis, ac quodammodo necessaria, licet non absolutè, ut Hæreticorum confundat perfidiam: propterea impiè in eam blasphemant moderni, quia eam cognoscunt veluti scutum inexpugnabile contra eorum execrandas insanias.

CONCLUSIONES

EX PRIMO SENTENTIARUM.

DE NATURA DEI, EJUSQUE ATTRIBUTIS
NEGATIVIS.

I.

PER se notum est unum Deum existere, non tamen nobis pro hoc statu, ejusque existentia adeò ex effectibus à posteriori demonstratur, ut nemo sanæ mentis eam invincibiliter ignorare possit. Est infinitus in omni linea, ubique per immensitatem præsentis potentia, non absente natura. Incomprehensibilis ab omni intellectu creato, vel creabili, invisibilis ab omni oculo Corporeo, etiam de possibili: omnemque mutationem excludens sive physicam, sive moralem. Est Deus æternus, omni durationi creatæ realiter existenti coexistens, sibi que duntaxat vindicans objectivam præsentiam

tiam futurorum ab æterno in mensura eternitatis. Hujus infiniti Entis præformali constitutivo reponimus *aseitatem*, quæ tam inter se ipsam, & reliqua Dei prædicata essentialia, quàm attributalia absoluta, & relativa formalem admittit distinctionem ex natura rei, sine ulla omninò compositione, etiam metaphysica saltem in illo rigore, quo veteres talem usurparunt.

DE INTELLECTU, SCIENTIA DEI, EJUSQUE IDEIS.

II.

DEus vivens vita intellectuâli, habet potentiam cognoscitivam per modum actus primi, formaliter distinctam tam ab essentia, quàm ab actuali scientia: in eoque admittimus scientiam simplicis intelligentiæ, qua clarè, & distinctè cognoscit creaturas omnes possibles quo ad rationes communes, & particulares, licet non in se ipsis motivè, sed in essentia Divina, veluti in medio prius cognito: Eidemque concedimus futurorum præscientiam, qua futura libera contingentiâ, quæ dependent à voluntate creata, cognoscuntur in Essentia Divina supposita determinatione divinæ voluntatis; et ab eo removendam censemus scientiam mediam neutralium, veluti superfluum inter naturalem, & liberam. Idæa in mente Dei aliud non est, quam creatura possibilis præcognita ut factibilis à Deo, & objectivè in intelligentia Divina contenta.

DE VOLUNTATE DEI:

III.

DEus necessariò ad intra se amans, liberè vult omnia quæ ad extra futura sunt sine ulla naturali necessitate, nè à rebus tolleretur contingentia, & libertas: & esto nequeamus divinam ejus liberam volitionem explicare sine terminatione ad Creaturas, in substantia tamen est ipsamet volitio necessaria Dei, in quo ob suum supremum dominium est vera, & sincera voluntas beneplaciti salvandi omnes homines, tam prædestinatos voluntate consequenti, quàm reprobos voluntate antecedenti; ejusquæ Decretum ab æterno latum de concurrendo cum causis liberis est concomitans, ita quod radix concomitantæ sit eminentialis, & virtualis continentiâ adjuncta universali legi de libertate creata servanda. Hinc prædefinitiones

11
finitiones actuum liberorum à Deo rejicimus, & ejus omnipotentiam esse suam voluntatem fatemur.

DE PROVIDENTIA, PRÆDESTINATIONE, ET REPROBATIONE.

IV.

DAri in Deo providentiam de omnibus creaturis expressis Scripturæ testimoniis compertum est, eaque consistit in solo suæ voluntatis actu, qui non solum media, verum etiam finem cujus gratia media adhibenda sunt; pro objecto, seu effectu respicit; eique subjicitur non tantum peccati permissio, sed etiam mortes, miserie, calamitates, alięque similes pene electis a Deo inflictis. Huic succedit prædestinatio divinæ voluntatis actus, quo ab æterno efficaciter vult Deus quosdam finaliter salvare, præparando eis ad hunc finem media efficacia, quibus certissimè salvabuntur, & hæc completè, & adequatè sumpta respicit non solum gloriam, quæ est finis, sed etiam gratiam, & alia dona, quæ sunt media ad finem consequendum. Itaque in Deo prædestinante decreta extant duo, unum intentivum gloriæ præcedens merita, & aliud executivum merita prævisa supponens: idcirco pro probabili habemus efficacem electionem prædestinatorum ad gloriam præsupponere absolutam prævisionem meritum; firmiterque contra Pelagium credimus opera omnia ex viribus naturæ profecta, nec de condigno, aut de congruo mereri primam gratiam auxiliantem, aut prædestinationis primum effectum. Prædestinationi opponitur reprobatio in Deo, qui neminem positivè reprobatur ante prævisionem peccati; Unde sola peccata finalia, dummodo sint mortalia, causant æternam reprobationem.

DE VISIONE BEATA.

V.

DEum omni intellectui creato naturaliter agenti invisibilem esse, Concilium Viennense definit: & repugnare substantiam creatam supernaturali, cui connaturalis est Visio beata, aut lumen gloriæ, ratio demonstrat. Ut verò intellectus activè eliciat actum beatificum de facto indiget lumine gloriæ habituali tanquam concausa supernaturaliter elevante, & partialiter simul cum ipso ad Visionem concurrente, quæ non est intensivè

12
vè æqualis in omnibus, licèt probabile sit eam esse æqualem de facto in aliquibus. Ceterum stante æqualitate luminis glorię in duobus intellectibus, quorum unus est perfectior, sequitur inæqualitas intensiva, seu gradualis Visionum, quæ per nos probabiliter sunt supernaturales quo ad modum tantum, & in quibus totaliter, aut principaliter non consistit nostra beatitudo in Patria.

DE TRINITATE.

VI.

Dantur in Deo reales Processiones, quę duz dumtaxat sunt inter se realiter distinctę, sicut & ab ipsa Paternitate. Illarum prima dicitur generatio, quę procedit proximè per dictionem, & non per intellectionem. Secunda vocatur Spiratio passiva, quę producitur non ab amore proximè, sed à spiratione activa in Patre, & Filio, & utraque procedit ab ipsa divina essentia veluti principio remoto, cum quadam relationum connotatione. Filius in Divinis, quem Verbum Patris appellamus, procedit non ex cognitione Creaturarum possibilium, futurarum, aut existentium, sicut nec ipsarum personarum ad intra, bene verò ex adequata cognitione divinę essentię, & Attributorum absolutorum. Spiritum Sanctum procedere à Patre, & Filio asserimus, & realitèr distingui à Filio, etiam si per impossibile ab ipso non procederet.

PROGRESSIO AD ALIOS TRES LIBROS SENTENTIARUM.

Quidquid Dogmaticum, Speculativum, aut Morale docuit Scotus noster Antesignanus in aliis tribus Libris Sententiarum proponimus sustinendum.

F I N I S.

1061-11



